

書名 太師王端毅公奏議十五卷 嘉靖
十三年刊嘉慶十一年補刊本
撰者 明 王恕 撰
卷 卷十
內容分類 史-詔令奏議-奏議-明
索書號 大木-總類-奏議-別集-19
編號 B1915500

卷十



[彩色首頁1](#)

[東洋文化研究所漢籍目錄 編號: B1915500](#)

[東洋文化研究所漢籍目錄所藏漢籍善本全文影像資料庫 索書號: 大木-總類-奏議-別集-19](#)

[漢籍善本全文影像資料庫文本太師王端毅公奏議十五卷 嘉靖十三年刊嘉慶十一年補刊本](#)

版權所有: 東京大學 東洋文化研究所
[使用上的注意事項](#)

太師王端毅公奏議卷之一

大理寺

申明律例奏狀

臣備員棘寺叨司審錄常愧無分寸之補奚
敢有出位之思竊見法司中日逐擬斷之事

揆之律例雖無不合推之人情亦有未宜今
畧舉一二昧死妄言伏望

聖明少賜裁決著為定例庶幾事得其宜而
易遵守開坐具本謹題請 旨

一件祛除凶德事臣惟奸盜凶德也凡



0 1 2 3 4 5 6 7 8 9 20 1 2 3 4 5 6 7 8 9 3



太師王端毅公奏議

卷十





太師王端毅公奏議卷之十



吏部

乞休致奏狀

臣以迂腐無用之材仰荷

列聖莫大之恩官至太子少保南京兵部尚書叅
贊機務久叨厚祿愧無分寸裨補向以年老歸田
待盡衡門之下無復他望伏蒙

皇上遣使齎勅召臣前來改吏部尚書加太子

太保俾典銓衡恩禮極隆委任已重臣雖無似

豈不知感自分年老德衰不稱任使已嘗累章具

奏議卷之十

奏辭免俱蒙 溫詔勉令就職雖極力罷勉其於
職業終不能脩舉一二又嘗屢乞休致俱不蒙
俞允逮今苟延又將周歲筋力愈加衰備神思愈
加昏倦腰膝酸麻步履艱辛又多健忘作事顛倒
委的難居銓選之地且其性愚驢不能強亮調燮
良孤

皇上以禮召用之意况今滿 朝文武臣僚再無
一員年及七十者獨 臣七十有三形骸潦倒尚玷
班行左瞻右顧豈不知愧又於本月二十二日忽
患痰嗽曾瀉痰痛不思飲食伏望

聖恩憐 臣 衰老賜 臣 歸田庶幾全始終之義完庶
耻之節惟

聖明垂察幸甚下情無任戰慄之至弘治元年十
二月二十四日具奏次日奉

聖旨卿受重託當勉圖報稱母以疾求退不准休
致欽此

再乞休致奏狀

臣 自受 命之後自知年老力衰才不勝任是以
於閏正月二次具奏懇乞休致一奉

聖旨卿職典銓衡方隆委任母為過慮遽欲退休

所辭不允欽此一奉

聖旨卿朝廷老臣未可輕退宜勉副任用事有當
言的盡心來說毋再固辭欽此臣感激

皇上知遇之恩於職分內事已嘗盡心爲之遇有
當言之事亦嘗言之但爲之不力不能輔成
聖政言之不切不能感悟 聖心者有之非不欲
報也六月又以衰老求去復蒙 溫詔勉留至今
又將半年筋力愈覺衰憊疾病日益侵尋委的支
持不去欲望

聖恩容臣休致又奉

聖旨卿受重託當勉圖報稱母以疾求退不准休

致欽此臣仰惟 恩旨固知

陛下不舍臣受 恩深厚亦豈欲舍

陛下哉但臣老已至矣雖欲勉強輔佐 聖明少

圖報稱委的不能勉強留之實無益也伏望

聖恩憐憫容臣送骸骨於故鄉遂丘首之至願幸

莫大焉如此非惟臣感

聖恩於沒齒雖九泉之下亦不能忘也臣下情無

任於邑亦惟 少無察焉弘治元年十一月二十

七日具奏二十九日奉

聖旨前日卿乞休致已不准了不必固辭該部知道欽此

議太常寺缺官供祀奏狀

文選清吏司案呈奉本部送吏科抄出太常寺掌寺事太子少保禮部尚書劉爰等題云云等因具題奉

聖旨該部看了來說欽此欽遵抄出送司查得徐啓端原任司樂傳陞協律郎王福廣等十三員俱由樂舞生傳陞協律郎等項官職成化二十三年九月該科道官陳言要將傳奉濫設官員通行查

出罷歸原籍閑住等因該奏

聖旨是原有官陞職的三品四品降正從六品五品六品降正從八品七品以下降雜職樂舞生道士出身的冠帶閑住都不許再求進用欽此欽遵外今該前因素呈到部看得太常寺掌寺事太子少保禮部尚書劉爰等題稱本寺缺官供祀要將徐啓端仍復司樂其餘王福廣等月支食米聽候差委祭祀一節先因內外奔競無耻之徒貢緣梁芳等傳陞京職日積月累遂至千數百員費耗糧濫占皂隸不可勝紀互相交結以邪妨正又不

可言三五年來名器大壞物議不平仰惟

陛下嗣位之初自罷傳陞官員朝野為之改觀人心無不痛快迄今一年有餘事體方定奔競稍息今劉爰等却要將徐啓端等復職食糧是為傳陞官員立亦憾也若復用一人則數千百人皆相率而來豈勝煩擾豈不壞朝廷清明之政失萬邦奉獻之心所言難唯且三年一次致祭嶽鎮海濱歷代帝王俱遣樂舞生行禮若謂金山等處所四十五處祭祀官少不敷差遣照例差樂舞生行禮亦無不可何必開已閉之倖門引既退之

小人然而此舉非真為缺官供祀蓋是徐啓端等央浼劉爰等假此為名以求復進非惟啓此弊端抑且故違詔旨所據徐啓端等俱合擊送法司明正其罪以為傳陞降革再求進用者之戒劉爰等亦合有罪緣劉爰等俱係在京堂上及京官及奉欽依該部看了來說事理未敢擅便弘治元年十二月十七日具題次日奉

聖旨是徐啓端等本當擊問且都說這劉爰等罷欽此

議封見在繼母奏狀

驗封清吏司案呈奉本部送准戶部咨廣東清吏
司案呈奉本部判送據山西清吏司主事唐錦舟
呈云云等因到部送司案呈看得主事唐錦舟係
正六品官例該封贈父母及妻查得伊故父唐仁
先任吏科左給事中已闕 勅命故母周氏故繼
母周氏俱已封贈孺人訖今本官乞要封見在繼
母舒氏若拘常例止封一繼母緣前繼母係伊
請給 勅命所封非本官請給 勅命之所請
封其見在繼母亦是止封一繼母
若不准令其見在繼母

母穿着常服坐於其上其妻珠冠霞帔立於其傍
為之子者寧能自安為之婦者亦何忍為似非
聖朝教人以孝之意也合無准令主事唐錦舟封
其見在繼母舒氏今後該封繼母者止封見在繼
母一人若前繼母曾因父受封後繼母見在亦照
此例封之如此則姑婦同榮母子皆安 恩澤均
而彝倫厚 聖朝以孝教人之意可謂曲盡其情
而為萬世法矣緣係請給 勅命及係事例未敢
擅便定奪弘治元年十二月二十一日具題次日
奉

聖旨是唐錦舟准封見在繼母欽此

議陞臨清縣爲州奏狀

文選清吏司案呈奉本部送吏科抄出巡撫山東地方都察院右僉都御史錢鉞等題云云等因具題奉

聖旨該部知道欽此欽遵通抄送司案呈看得巡撫山東右僉都御史錢鉞并巡按山東監察御史向紳各題稱會議得臨清縣係南北要衝與臨清衛軍民相參詞訟繁多要照湖廣等處茶陵等縣陞州事例將臨清縣改陞全設州治銓官鑄印仍

東昌府管轄將附近歸陶立縣來屬一節查有前項事例合無准其所擬照例將臨清縣改陞臨清州仍隸東昌府管轄歸陶立縣隸臨清州管轄其附改官制更動一應衙門與凡選官鑄印等項事務候 命下之日另行奏 請定奪等因具題奉

聖旨是欽此欽遵查得諸司職掌內開各州不及三十里長有所屬縣分者裁減同知無所屬縣分裁減同知判官今臨清縣見有三十四里例該全設欲將臨清州附改官制除授知州同知判官吏

日各一員管馬管河判官各一員并儒學添設訓導一員候有相應人員銓補臨清縣原除知縣等官俱暫令在彼管事本部查有相應員缺陸續具奏調補其本縣儒學倉間陰陽醫學僧道會司等衙門官衙俱未入流本部欲照先年茶陵等縣改陞茶陵等州事例將臨清縣儒學見任教諭王楷改爲臨清州儒學學正訓導陳暉馬善改爲本學訓導并陰陽醫學僧道會司俱改爲典術典科僧正道正及原屬廣緒常盈二倉新開上閘渡口驛清源水馬驛清泉水驛仍隸本州管轄其各衙門

官街吏典印記俱照州治行移鑄換添設舊印照例收銷其原設守備等官應否裁革行移兵部徑自查議定奪緣係改陞州治衙門官衙事理未敢擅便開坐弘治二年二月初十日具題次日奉聖旨是欽此

議 徽王乞陞鈞州爲府奏狀

文選清吏司案呈奉本部送准戶部咨河南清吏司案呈准工部營繕清吏司手本奉本部送

內府抄出 徽王 奏云云等因奉奉

聖旨該衙門看了來說欽此欽遵抄出送司照得

改作衙門。別部掌行除稟堂外合用手本前去戶部該司呈堂施行等因到司案呈看得前項改陞衙門一節比與臨清縣陞州事體相同係隸別部掌管本部難以施行合就移咨徑自施行等因到部送司案呈看得 徽王所奏除脩築城池及改挑河道俱係工部掌管除行該部徑自施行外其稱分封寥落州治要將鈞州改陞為府治就於郭內添設一縣并前項有名州縣一體所轄一節等體得 肅府見在陝西蘭州 潘府見在山西潞州 荆府見在湖廣蘄州 岷府見在湖

廣武岡州立國多者八九十年少亦不下四五十年率皆仍舊未嘗改為今 徽府要將鈞州改為府治又要將汝州郟縣魯山寶豐商城許州襄城長葛臨潁鄆城鈞州密縣新鄭等一十二州縣改隸所轄不惟異乎前四府仍舊之撰且啓前四府改為之端况今各處灾荒軍民凋弊欲與此後實非所宜兼且州之與府於 王頗無所與改與不改於 王似無重輕以此言之不如仍舊買之為善也 臣等愚見如此未知是否緣係 欽依該部看了來說事理未敢擅便伏乞

聖裁弘治二年三月十四日具題次日奉
聖旨是不必改陞還寫書與王知道欽此

會議備運糧儲行移奏狀

文選清吏司案呈奉本部送准禮部咨該本部等
衙門題刑科抄出都察院左副都御史邊鏞等題
湖廣道呈刑科抄出總督漕運兼巡撫鳳陽等處
都察院左副都御史秦紘奏據湖廣等處承宣布
政使司呈蒙巡按湖廣監察御史姜洪批允軍糧
米水院即行會奏去訖布政司呈馳差人次早軍
安湖漕運官尚早處置毋得臨期改裝 國用

備由轉呈 臣處照詳處置施行備呈得此 臣查得
淮安徐州臨清德州四處水次倉糧數少雖各該
衛所運糧官軍行糧尚不勾用又况 臣撫屬地方
亦有災傷但於內酌量輕重那移轉補今亦未完
其湖廣布政司前項允軍糧米無從措置除行本
布政司計處外為照各處巡撫都御史與巡按御
史行事雖不相關而名分終難紊越每見各處巡
按御史與巡撫都御史移文有令按屬衙門抄案
轉達此於名分雖乖猶以敵體相待今看得御史
姜洪前項批詞玩其語意乃是以上司督臨屬官

名分倒置如此顯是姜洪不諳大體如蒙乞

勅都察院將御史姜洪拏問明正其罪以爲越禮犯分之戒及行令各處巡按御史今後凡與巡撫都御史有行仍照行移體式徑自具呈不許出案轉達庶使名分正而體統嚴等因具本該通政使司官奏奉

聖旨都察院知道欽此欽遵又該刑科叅看得監察御史姜洪批詞既曰星馳差人又曰咨稟其下文母得致誤等語乃爲布政司而設今都御史秦紘以此自認怒目不明輒便叅奏自傷大體事屬

紛擾宜從抄出施行通抄具呈到院看得總督漕運兼巡撫鳳陽等處左副都御史秦紘叅奏巡按湖廣監察御史姜洪前項批詞玩其語意乃是以上司督臨屬官名分倒置如此顯是姜洪不諳大體乞要拏問明正其罪又稱各處巡按御史今後凡與巡撫都御史有行仍照行移體式徑自具呈不許出案轉達一節已該刑科叅看得監察御史姜洪批詞既曰星馳差人又曰咨稟其下文母得致誤等語乃爲布政司而設今都御史秦紘以此自認怒目不明輒便叅奏自傷大體事屬紛擾詳

此參辭御史姜洪似為無罪難以提問及查得行
移體式內止開各道御史并巡按御史呈都察院
並無巡按御史具呈巡撫都御史辭語其巡按御
史出案轉達巡撫都御史揆諸事體亦無妨礙今
要徑自具呈行移體式既不該載亦難擅擬為例
所據都御史秦紘該刑科案出前項紛擾情節合
當查究但本官近陞右都御史巡撫兩廣去訖伏
乞 聖明裁處緣秦紘係在京堂上官及奉
欽依都察院知道事理未敢擅便私治二年三月
十二日具題奉

聖旨這本係干名分大體禮部便會各部通政司
大理寺堂上官從公看了來說欽此欽遵抄出到
部會同吏部等衙門太子太保尚書等官王恕等
查看得行移體式各道并巡按御史具呈都察院
雖無巡按御史呈巡撫都御史之文緣巡撫都御
史亦係本院堂上官相應具呈但在外巡按御史
有具呈者有抄案轉行者今巡按湖廣監察御史
姜洪却批詞布政司星馳差人咨稟准安總督漕
運官尚早處置毋得臨期致誤 國用委的詞語
欠遜有失大體及刑科并都察院參稱都御史秦

紘自傷大體合當查究等詞不無偏向俱各有罪
所據御史姜洪刑科經該官都察院僉書官吏通
該查究提問合無今後巡按御史事與巡撫都御
史相關者仍照行移體式一體具呈庶幾名分攸
存體統不紊緣事內干礙在京堂上官并京官及
節該奉 欽依禮部便會官從公看了來說事理
未敢擅便本月十九日具題次日奉

聖旨是姜洪批詞不遜有失大體難居風憲對品
調外任刑科都察院經該僉書官吏偏向不公本
當提問且饒這曹各罰俸糧一箇月欽此欽遵

合通行除外合就移咨欽遵施行等因送司案呈
到部看御得御史姜洪係正七品今對品調外任該
除在外正七品知縣職事查得山西平陽府解州
夏縣見缺知縣一員欲將姜洪調補前缺願贖文
憑令其就彼到任管事未敢擅便弘治二年三月
二十四日具題次日奉

聖旨是欽此

論知州劉槩有犯比依妖言律過重奏狀

竊見刑部河南清吏司問得犯人劉槩合比依造
妖言者律斬秋後處決湯鼎依風憲官受財加罪

餘官受財不在法有祿人一百二十貫二等罪
律減等杖一百徒三年吉人依奏事詐不以實
律減等杖九十徒二年半李文祥鄒智俱依不廢
得為而為之事理重者律減等杖七十俱職官各
照例運磚各完日湯鼎係有贓官革職為民吉人
李文祥鄒智俱浮躁謫露人繫送吏部收查定奪
東思誠曹璘俱供明各還職大理寺審擬合律奏
奉

聖旨是這厮每既情犯深重劉槩捏造非言依律
處決湯鼎風憲犯賊押發陝西肅州衛充軍吉人

肆姦欺罔發回原籍為民李文祥鄒智私交妄議
降三級調邊任都免運磚其餘准擬欽此欽遵抄
招用手本連李文祥等送本部施行等因除湯鼎
李文祥等罪不至死臣不敢妄議外但劉槩比依
前律坐以斬罪臣則不能無疑焉伏覩大明律
云凡造讖緯妖書妖言及傳用惑眾者皆斬欽此
先儒謂讖緯如亡秦者胡之讖及赤伏符等及諸
經之緯書蓋讖緯之書即妖書讖緯之言即妖言
以其說未來之興亡能惑眾亂民壞國家之事
故禁之嚴使之不敢犯也今劉槩招稱不合要得

阿諛湯鼎又捏寫一夢書內稱別後時時夢中會見一夕夢一老人騎牛背上行陷於泥淖中公左手把一五色石子右手捉牛角引就正路其人謝而去因思人騎牛皆儼然一朱字正我朝之姓氏豈非天生豪傑欲賴之引君當道邪但五色石子意不可曉或者公自臺中首先抗疏爲彈之第一等邪請試思之如何等情臣切詳劉槩書詞固爲狂妄不能無罪其夢有無亦未可知推原其情不過因見湯鼎節次建言指陳得失不計利害以爲乃天生豪傑以道事

陛下也是乃與人爲善之意別無惑衆亂民之情今比依造妖言者律論以死罪臣竊以爲過之誅有造如亡秦者胡也之類之言惑衆亂民者不知更以何罪加之昔之時有以忠諫者爲誹謗深計者爲妖言至今人猶爲之痛惜

陛下受天明命正位宸極以堯舜之道治天下天下愛戴之如堯舜矣今法司以如此之情坐劉槩以妖言死罪不無有累

陛下清明之政欲使天下後世不爲之痛惜恐不可得也且一婦含冤三年不雨今各處災異人情

洵洵此正 朝廷欽恤刑獄求言脩省以回

天意以弭災變以安人心之時若使劉聚緣此死

於獄中豈不愈傷 天地之和愈召水旱之災而

豈在六卿之列知而不言則違先聖事 君有

犯無隱之戒其罪將安逃乎是以不避斧鉞為

陛下言之儻蒙 聖明裁察寬宥劉聚死罪將見

天下後世莫不稱頌

皇上欽恤之仁豈不召和致祥衍慶延祚於無窮

也弘治二年四月初三日具奏奉

聖旨劉聚造言引喻非類法司比律明擬未可
當你如何這等來說且監著待後發落刑部知道
欽此

乞休致奏狀

臣見年七十四歲係陝西西安府耀州三原縣人

正統十三年進士改庶吉士初授大理寺左評事

歷陞太子少保南京兵部尚書參贊機務感化二

十二年致仕二十三年荷蒙

聖恩遣使齎 勅起 臣前來俾與銓選特加太子

太保以 寵異之 臣感激 知遇之隆是以於職

分內事無不盡心為之其於政治之得失苟有所

臣亦無不欲言之欲言之者臣為國之心也聞
言之而不能裨補萬一者見之未真知之未至
慮之未精而言之未盡中理也是以臣雖欲報覆
載之深恩而終不能報也徒自懷愧莫知所指今
臣委的年老力衰日益昏晦兩腿酸痛步履艱辛
不能朝參署事伏望

聖恩憐閔容臣致仕歸田以終餘齡庶不有妨賢
路而臣之心亦休休矣臣干冒天威無任戰慄
殫越之至弘治二年四月初八日具奏次日奉
聖旨卿居重任宜勉盡職毋以衰老為辭不允休

致欽此

再乞休致奏狀

臣昨以衰老腿疼步履艱辛不能朝參署事
乞休致奉

聖旨卿居重任宜勉盡職毋以衰老為辭不允休
致欽此臣有以見

陛下不以臣為迂腐無用特賜溫詔勉留是乃
上天包含徧覆之仁也豈勝感激臣伏自蚤歲被
師講學以為異日儻得成就受一階半級當效古
人摠忠竭誠盡職報國今臣仰荷

奏議卷一
七

聖恩職居家司官至極品此實人臣之奇遇經
之至榮豈不欲策勵駑鈍盡心奉職以圖萬一之
報焉肯因循苟且適已自便託疾求去孤莫大之
恩負疇昔之志哉但緣臣今年七十有四委的血
氣衰憊腰腿疼痛行走喫力跪拜艱難昨於
御前承 旨力不能支幾乎跌仆殊失觀瞻此左
右之所共見百官之所共見非敢妄言退託况臣
資質庸下學術空疎雖有忠 君愛國之心而無
論道經邦之才久居要地濫叨富貴將恐物議不
平非臣之福也伏望

聖恩憫容臣休致 雖退伏賦亦不敢斯須
有忘 聖德苟有所見即當上言以盡區區之誠
並不敢以進退而貳其心臣干冒 宸嚴無任激
切屏營之至弘治二年四月十二日具奏次日奉
聖旨卿年雖老宜勉副任用不准休致今後大風
并雨雪日免早朝午朝可不必來欽此

乞給假奏狀

臣近於本月初八日因衰老腿疼不能 朝參署
事奏乞休致奉

聖旨卿居重任宜勉盡職毋以衰老為辭不允休

致欽此十二日又以前情懇乞休致奉

聖旨卿年雖老宜勉副任用不准休致今後大風并雨雪日免早朝午朝不必來欽此臣聞

命之餘惶懼殊甚罔知攸措自惟擣櫟庸材於時無補誤蒙

聖恩再三眷念禮貌益隆臣雖捐軀隕首莫報涓

埃即欲報名謝恩但緣腿疾未瘳步履尚爾艱辛跪拜猶未方便欲望

聖恩容臣暫且在部勉強供職俟腿疾少愈即當入謝臣狂妄無狀罪當萬死弘治二年四月十

五日具奏次日奉

聖旨准他該部知道欽此

定奪欽天監官奔喪奏狀

稽勳清吏司案呈奉本部送據欽天監呈前事據五官司曆劉玉呈稱有母張氏弘治二年正月十九日病故祖塋在於順天府東直門外遷民宅已於本年二月初二日安葬畢思得本職係是親男

例合具呈乞為查照定奪等因到監據

此查弘治九年二月二十四日該本監官於

奉

太祖
聖旨 懲除陽官人每都不要丁憂永
爲常 此欽遵外今照本監查無守制事例及
看母故已行安葬完畢要行守制一節緣
本官係是提督造曆緊要官員正值興工之時及
有前項事例本監難擅定奪備呈乞爲查照定奪
等因到部送司案呈查得永樂二年正月十七日
有本監五官司曆潘緝熙父故要回奔喪該監官
奏奉

太宗文皇帝聖旨著他去欽此天順二年二月二
十九日五官靈臺郎方欽母故呈乞奔喪該監官

引奏奉

英宗睿皇帝聖旨照例欽此成化元年二月十二
日監正谷演母故奏要奔喪該本部 題奉

憲宗純皇帝聖旨照例欽此成化六年三月二十
三日五官靈臺郎吳英文故奏乞終喪該本部具
題奉

憲宗純皇帝聖旨准他去奔喪欽此及成化十年
三月二十日監副楊瑛順天府人繼母病故奏乞
躬葬成化十七年三月二十五日中官正皇甫敬
母故置立塋所順天府地方奏要安葬成化二十

二年十二月十三日漏刻博士袁紘父故置地順
天府地方奏乞奔喪安葬本部節次照例題
准俱限三箇月奔喪安葬畢日照舊辦事前項奔
喪事例已行八十有餘年况袁紘父故置地順天
府地方安葬與劉玉事體相同又係目前之事本
官與本監官豈得不知今本官既有母喪自合隨
即呈監轉呈本部照例奔喪爲當却乃遷延月久
待其安葬已畢方纔且呈意欲免其奔喪顯有貪
祿忘親之情而該監官却將奔喪事例匿而不言
上稱查無守制事例又稱本官係是提督造曆緊

員雖稱是乞定奪其意亦欲免本官佳俸奔
喪不無受囑情弊且該監官聞父母喪既已免其
守制若不照例奔喪則是於送終之禮全不用
情烏得爲孝子乎且

聖明之世有祿人員豈可容此不孝之人所據劉
玉并該監僉書官吏本當究問但呈文內有呈乞
定奪字樣合無免其送問行令劉玉照例奔喪三
箇月滿日赴部送回本監照舊辦事以後凡遇該
監官員人等聞父母喪者務要照依前例隨即具
呈奔喪敢有託故不行奔喪者以違制論堂上

官知而不令奔喪者亦治以罪如此則法令嚴而姦頑懼彝倫明而風俗美緣係查例定奪欽天監官奔喪事理未敢擅便弘治二年四月十七日具題次日奉

聖旨是欽此

議長隨何鼎陳言重官爵奏狀

文選清吏司案呈奉本部送內府抄出長隨何

鼎題云云案呈查得成化二十一年正月十六日

吏部等衙門題為災異陳言事節該奉

憲英皇帝聖旨傳奉文武大小官員除勲戚功陞

廢授不動欽此又查得太常寺奏要將革罷傳奉官徐啓端仍復司樂王福廣等月支食米本部為照此舉蓋是徐啓端等央浼劉友等假此為名以求復進欲將徐啓端等拏送法司明正其罪等因具題奉

聖旨是徐啓端等本當拏問且都饒這遭劉友等罷欽此欽遵此其欲開倖門本部題准不容開者矣今何鼎題要審查文非考中本等程式陞者自天順元年至今一切革去以杜倖門一節緣天順元年至今三十三年彼時倖進之人壯者今已

老老者今已故其見存者亦有遷轉一二次者且如成化年間內閣學士李賢子李璋彭時子彭頎俱以舍人除授尚寶司司丞李璋陞本司卿劉定之于劉備以生員除授中書舍人陞南京尚寶司司丞商輅子商良輔以監生乞恩除授主事近來商輅孫商汝謙又以納粟監生乞恩除授尚寶司司丞太監張慶姪張暉由承差除授驛丞陞至太常寺寺丞今降典簿御史鍾同子鍾鉞由生員除授通政司知事之類皆是文非考中本等程式陞除之人有保陞為太醫院官者為欽天監

官者為工部所屬衙門官者為各府都事等官跟隨總兵等官書辦者彼因多係廕授及不係傳奉人數不曾查處今若又行查革將不勝其革且有不可革者徒見其紛更而無已也臣等竊惟治天下之道貴乎簡要安靜處置得宜犯者治之其不犯者不必追究如此則事不煩而民志定若今日一人言一往事而翻騰之明日一人言一舊事而追究之但見其事體叢挫而衆心疑懼非所以顧大體而隆治道也又惟諸司官俱有定員不可濫授濫授則民慶士之進身亦有正道非由正道進

者猶鑽穴隙之類也雖有才能何足道哉伏望
皇上俯賜裁察合無不必追究往事自今以後內
外大小衙門官缺一員則銓補一員不可輕易聽
人妄保不由正道出身之人泛濫陞除如此則奔
競自息官爵自重 朝廷自尊萬姓自安而天下
自治矣若往者雖革之來者又許之徒見其紛擾
有何益哉緣奉 欽依該部查看了來說事理未
敢擅便弘治二年七月初五日具題次日奉
聖旨是欽此
太師王端毅公奏議卷之十

吏部

脩省陳言奏狀

文選等清吏司案呈准驗封清吏司付奉本部送
准禮部咨弘治二年七月初七日早該太監章泰
傳奉

聖旨近日京城雨水為災南京又奏大風雷雨之
異朕當檢身飭行抵謹 天戒爾文武百官尤

各加脩省勉圖報稱毋自因循各衙門政事有無
失當舉行改正的斟酌停當來說禮部知道欽此